

Toka ime

Pse rritë fëmijë  
që s'të duan?  
E njerëz që të vrasin  
çdo ditë!  
T'i prenë filizat  
e posalindur,  
se nga rritja e tyre  
kanë frikë.  
Mbushin trenat e ikjes,  
varrezat me tretjen e  
harresës mbulojnë.  
Urrejnë ditën e kthimit,  
presin që nesër  
të jetë vonë.  
Një ditë gjaku  
s'të flet gjuhën  
e atdhe u bëhet,  
çdo hapësirë.  
Ti bëhesh vetëm  
ëndërr prindi,  
për ty s'ka më  
ditë të mirë.

Isa Fetahi